

Mapamboli na Nkombo ya Nkolo na biso Yesu Klisto. Ezali na ngolu ya Nzambe nde tomonaki lisusu mokolo mosusu; yango wana nabengisi bino bókanisa Makomi Mosantu, oyo ezali bilei ya milimo na biso.

Mingi kati na biso tozali koluka lisungi epayi ya Nzambe na biso — mpe yango ezali malamumu mingi, mpo esika mosusu ya solo ya kozwa lisungi ezali te. Mosala ya Satana ezali kobebisa, kasi te kosunga.

Ezali na banzela mingi ya kozwa lisungi epayi ya Nzambe na likambo nyonso ozali kokutana na yango to na bosenga nyonso ozali na yango.

NZELA YA LIBOSO MPE YA NTINA: LIBONDELI YA MOTO YE MOKO

Nzela ya liboso mpe ya ntina mingi ezali ete yo moko okita na maboko mpe obondela Nzambe. Soki makambo mabe nyonso mpe masumu ya mokili ekómaka epayi ya Nzambe, ndenge nini mabondeli na biso ekokóma te? Nzambe na biso ayokaka ata

mongongo ya motema na biso ntango nyonso; ata kolela ya nsoso na ntongo ekómaka epayi na Ye — bongo maloba oyo ebimaka na minoko na biso ekokóma te?


Yango wana, nzela ya malamumu koleka ezali okita yo moko mpe opesa Nzambe bosenga ya motema na yo, na kondima ete ayoki yo mpe akopesa yo kolanda mokano na Ye.

NZELA YA MIBALE: NZELA YA BASALI YA NZAMBE

Nzela ya mibale, oyo ezali liteya na biso lelo, ezali na nzela ya basali ya Nzambe.

Nzela oyo eleki ya liboso te, kasi ezali nzela ya solo oyo Nzambe Ye moko atyaki. Ntango okutani na mpasi to likambo moko ya kilo, luka basali ya solo ya Nzambe. Nkolo apesi bango ngolu oyo esika mosusu ezali te. Ntango babondeli mpo na yo to bapesi yo toli, kozwa eyano ekómaka pete.

Tózwa liteya na Makomi oyo:



Marko 6:34-44

“Yesu amonaki ebele ya bato, ayokaki mawa mpo na bango, mpo bazalaki lokola bampate oyo bazangi mobateli... Alobaki na bayekoli na Ye: ‘Bópesá bango bilei.’ ... Azwaki mapa mitano mpe mbisi mibale, atalaki likolo, apesaki matondi, abukaki mapa mpe apesaki yango na bayekoli mpo bá balela bato... Bango nyonso baliaki mpe batondaki... mpe mibeko zomi na mibale etondaki na biteni.”

MATEYA NA ELOKO OYO

1. NKOLO AYOKAKI MAWA — KASI ASALELAKI BAYEKOLI NA YE

Nkolo ayokaki mawa mpo na bato, kasi apesaki bayekoli na Ye mosala ya kopesa bango bilei (talá molongo 37).

2. LIKAMBO YA LIKAMWISI ESALAMAKI NA MABOKO YA BAYEKOLI

Likamwisi esalemaki te kaka na maboko ya Yesu, kasi na maboko ya bayekoli na Ye. Yesu apesaki bango mapa mpe mbisi; na maboko na bango nde likamwisi ekómaki kobakisama. Yango elakisi ete Nkolo asalaka mosala na Ye na nzela ya basali na Ye.

OKOSALA NINI NTANGO OKUTANI NA PROBLÈME?

Soki okutani na likambo mpe oyebi te esika ya kobanda:

1. Liboso, kita na maboko mpe bondela Nzambe yo moko.
2. Soki motema na yo ezali naino na kimia te, luka mosali ya solo ya Nzambe — lokola pasteur to episkopo — mpe yebisa ye makambo nyonso polele, kozanga kobomba ata eloko moko.

Likambo oyo okanisi ete ezali ya sika, mbala mingi bato mosusu bakutanaki na yango mpe ezwaki eyano. Kotika kobanga oyo Satana azali kotia na motema na yo. Luka lisungi.

KENDE NA MOTEMA YA BOTONDI

Nakopesa yo toli: kokende maboko mpamba te, mpe kokanisa te ete mosali ya Nzambe azali na posa ya mbongo na yo. Kende lokola ozali kokende kokutana na Klisto Ye moko, na motema ya botondi epayi ya Nzambe. Ntango osali bongo, okomona mbuma monene.

LILIBA NA BASALI YA NZAMBE

Soki ozali mosali ya solo ya Nzambe, yoka mawa mpo na bato oyo bazali na mikakatano, lokola bayekoli basalaki. Bayekoli bamonaki te libaku ya kozwa mbongo; bamonaki bosenga ya bato.

NZAMBE AZALI NZAMBE YA MOLONGO MPE MOLANDA

Bayekoli batyaki bato na bituluku — basusu na mitano ntuku, basusu na nkama. Makambo nyonso esalemaki na molongo.

1 Bakorinti 14:40

“Kasi makambo nyonso esengeli kosalema na lolenge ya malamu mpe na molongo.”

Yango eteyaka biso ete epayi oyo molongo ezali te, Nzambe asalaka te. Basali basengeli kozala na bwanya mpe limemya, koyeba ndenge ya kosolola na bato ya mikili ndenge na ndenge mpe ya bambula ekeseni.

BOSUKI

Na nzela nini okozwa lisungi epayi ya Nzambe? Nzela moko ezali na nzela ya basali na Ye — kaka lisungi ya nzoto te, kasi mpe lisungi ya molimo, oyo ezali Liloba ya Nzambe.

Nkolo apambola biso nyonso.

Bókabola nsango malamumu oyo na basusu. Nzambe apambola yo.

Share on:
WhatsApp

Print this post